

Ipsa vero compositio quatuor rebus perficitur: iis, quæ morbum curant: iis, sine quibus priora suum effectum præstare nequeunt: iis, per quæ melius fit actio: & iis, quæ reliqua iuuant ac conferuant. Verum & idoneus compositis vtendi modus requiritur, quemadmodum in singulis remediis ostendemus.

De medicamentorum compositorum differentiis.

C A P. XII.

Medicamēta vero composita aut interna sunt, aut externa. Illa vel intro sumuntur, vel immittuntur: hæc vero extrinsecus applicantur. Quæ assumuntur, aut sunt liquida, aut mollia, aut sicca; eaque aut alterantia, aut purgantia, aut roborantia. Liquida sunt iulepi, syrapi, apozemata, portiones purgantes, destillata restaurantia, emulsiones, gargarismata. Mollia vero, vt boli, opiata, conferuæ, eclogmata. Sicca vero sunt electuaria, tabularum forma trochisci, pastilli, placentulæ, pulueres, apophlegmatismi, dentifricia, quæ omnia per os sumuntur. Quæ vero immittuntur, vel iniiciuntur, vel induntur. Iniiciuntur clysteres in intestina, fiunt iniectiones in veretrū & vesicā, in vterum, in aures, in nares, vt errhina, quæ etiam attrahuntur, & quæ in vlcera ad partes internas penetrantia, & in fistulosa iniiciuntur. Induntur autem in anum suppositoria, noduli, in vteri cololum pessaria,

C 3 Extra